

مکتبہ اسلامیہ

۱۹ نجی ست

جزو، عدد : ۹۰

سنہ ۱۳۱۷





۱۹۰۰

سنه‌سی مبداء عصر می ، منتهای عصر می ؟

غریب‌درکه شؤ سؤالی، فقط ۱۳۰۰ سنه هجریه قریه‌سنی ادراک ایلدیگم زمان بعض ذواتک ذه‌ابی صحیح ایچون، یعنی بوندن ۱۷ سنه مقدم مجموعمه مزده یینه ایراده مجبور اولمش ایدک . چونکه اوزمان ده ۱۳۰۰ سنه‌سی مبداء عصر عد اولنیور ایدی .

اوزمان شویله بر سؤال مقدر ترتیب ایلش ابدک :
 « ۱۲۰۱ سنه هجریه‌سی محرم‌نک غره‌سینده دنیا به گئش و الیوم بر حیات بولنش اولان بر آدم ۱۳۰۰ سنه هجریه‌سی محرمی غره‌سینده قاچ یاشنه باصمق لازم گاور ؟

- شه‌سزدرکه ۱۰۰ یاشنه .
- بو آدم ۱۰۰ یاشنی نه زمان اکال ایدم جکدر .
- ۱۳۰۰ سنه‌سی ذی الحججه‌سنک سلخنده . »

✱

بؤ سؤالی شمعدی ده ۱۸۹۹ سنه‌سنی اکال ایل ۱۹۰۰ سنه میلادیه‌سنی ادراکمز اوزر یینه ایراد ایتمکه مجبور اولیشمز بزه پک غریب گلیور . چونکه غره‌لرمزده مبداء و یا منتهای عصر مسئله‌سی عادتاً بر مسئله مغلقه شکلنده تصویر اولنیور . فقط بؤ ذه‌اب یالکیز بورایه، بزم غره‌لرمزه یازو یازانلره مخصوص دگل، اوروپاده ده بؤ ذه‌ابده بولسانلر وار . بلک بزم غره‌لرمده، هر نه کوردر لرسه بلا- تأمل اقتباس علتته دوچار اولانلرمزک قلم ترقی پرورانه‌لری اعاقیله انتقال ایلشدر .

حتی بر هفته اول آلمانیه بولان بر ذاتن آلدیغ ورقه تبریکده بیله بۇدها بده بولنش اولدیغنی نظر استغراب ایله او قوم شدم . چونکه ورقهیه شؤسوزلرله باشلانمش ایدی :

« ۱ کانون ثانی ۱۹۰۰ - یگر منجی عصر مدینه شؤسطرلری یازدیغ آنده داخل اولدق . تبریکات صمیمیه می تقدیم ایدر و عافیت و سعادتله بختیار اولمگیزی « جناب حقدن تمنی ایلرم ... »

بۇورقینی آلدیغ ذاتک یوز عددی یتورمینجه ایکنجی یوزک تعدادینه باشلا . نیمه جغنی بیلامسنه نصل حکم اولنه بیلور ؟ حتی هنوز تعداد وترقیمه باشلامش بر مکتب ابتدائی شاگردی بیله ۱۹۰۱ دیمک ایچون ۱۹۰۰ عددینی تعداد واکال ایتمک لازم اولدیغنی تصدیق ایدر .

بۇ یوز سنهدن عبارت اولان برمدته برعصر اطلاق ایدیورز ، بۇ یوز سنه مدته ایستر عصر دینسون . ایستر دور نامی ویرلسون . مسئله اختلاف اصطلاحده اولیوب ختام و مبداء خصوصلرنده در .

شمدی ۱۹ عدد عصر حاصل اولمق ایچون طبیعی ۱۹۰۰ عدد سنه ایستر . نصلکه بر آدمه ایکی بیک غروش بورجهز اولوبده هرکون برر غروش ویرمکلمز مشروط بولنسه یگر منجی یوزه باشلامق ایچون مطلقا ۱۹۰۰ یوزنجی غروشی اوده ملی بز . بیک طقوز یوزی اوده مینجه یگر منجی یوزه نصل باشلا بیلورز . و آکا باشلامق ایچون ۱۹۰۱ عددینی یاد و تعداد اقتضا ایتمزی ؟

شؤ مسئله او قدر بدیهی درکه انسان بحث ایتمک حجاب ایدر . مجرد یگر منجی عصره گیرمش اوله جفره اینانق ایچون ۳۶۵ کوندن عبارت اولان قوجه برسنه . شمسیه ادوار فلکیه و تقاویم هیئیدی زیر وزیر ایدرجه سنه خزینه لاتقنای ابدن آلوبده دریای بیکران ازله آتیمی ویرلم ؟

یگر منجی عصر میلادی ، ایچنده بولندیغز ۱۹۰۰ سنه سی کانون اولک ختامیله . صالی کونی کانون ثانیک ابتدائی ایله باشلار . یعنی ده ۳۰۰ کسور کون ایستر .

ابوالضیا توفیق

